

est, quod Mundo Sol, id Animis, id Orbi literario su-
pellestilem esse librariam. Tolle mundi Oculum, &
dictum factum cœcus erit Mundus: pari modo tolle
Rem Librariam, & privati erimus lumine egregiō mi-
seri magis, quam ille apud Maronem Polyphemus,
cui lumen ademerat Græcorum callidissimiis Ulysses.
Versaremur in tenebris plus quam Cimmeriis, si Fax
hæc divinitus mortalium generi accensa per negli-
gentiam restincta nos destitueret. Malo afficiuntur
Imperia, omniumq; longe sunt miserrimæ Respubl.
quæ deficiuntur Museis, memoriæ Sacris; ubi tuto
deponantur Imperiorum Arcana, Leges, Bella, Pa-
ces, Instrumenta & Acta Publica. Natis enim (id
quod non raro fit) controversiis vel in ipso meridie
cœcutire coguntur; Beatæ contra sunt Civitates à
Monumentis Tabulisque necessariis instructissimæ,
posteritatis caussâ repertis, ut non tantum Adjumento
sint; sed & Præsidio; unde posteritas rerum præte-
ritarum rudis rebus in dubiis certissima petat Oracu-
la. *Nihile enim* (verba sunt Balthasaris Bonifacii
J. C. in Venetorum quondam Gymnasio Ju-
ris Civilis Interpretis egregii) ad Instruendos
atque edocendos Homines utilius: nihil ad res ob-
scuras eruendas, atque illustrandas; nihil ad patrimonia, re-
gnaque ac demum privata ac publica omnia conservanda ma-
gis necessarium, quam Voluminum & Monumentorum bene
instructa supellex: tanto melior navalibus; tanto præstan-
tior